



**KABINET PREDsjedNIKA I POTPREDsjedNIKA**

Broj: 01-4-01-4-1353-2/19

Sarajevo, 08.10.2019. godine

**MINISTARSTVO KOMUNIKACIJA I TRANSPORTA BOSNE I HERCEGOVINE**

N/r g-din. Sašs Dalipagić, zamjenik ministra

**PREDMET:** Inicijativa za izmjenu Pravilnika o homologaciji vozila, dijelova uređaja i opreme vozila (Sl.glasnik BiH br.:41/08)

Poštovani,

Vanjskotrgovinska/Spoljnotrgovinska komora BiH, Privredna komora RS, Privredna/Gospdarska komora FBiH i Privredna komora BD, na sastanku održanom dana 30.09.2019.godine, a sljedom i zaključka Odbora Udruženja međunarodnih drumskih prevoznika VTK/STK BiH od 15.03.2018.godine, analizirali su problematiku vezano za primjenu propisa kojim se uređuje oblast homologacija novih i polovnih vozila, uvoza i distribucije rezervnih dijelova i uređaja za putnička i komercijalna vozila.

Većinski stav svih učesnika sastanka je da se u čitavom procesu, a vezano za primjenu Odluke i Uputstva koju je objavilo Ministarstvo komunikacija i transporta BiH („Službeni glasnik BiH“ broj 23/19 i 56/19) kojom se propisuju najniži tehnički zahtjevi za novoprodukcija i korištena vozila u procesima homologacije tipa vozila i homologacije pojedinačnog vozila, te za dijelove, uređaje i opremu vozila u procesu homologacije, pokrene inicijativa za izmjenom Pravilnika o homologaciji vozila, dijelova uređaja i opreme vozila (Sl.glasnik BiH br.:41/08).

Samim izmjenama Pravilnika o homologaciji vozila, dijelova uređaja i opreme vozila (Sl.glasnik BiH br.:41/08) je potrebno urediti postupak homologacije na način da se prihvati potvrda zemalja koje su već jednom provjerile i potvrdile homologaciju vozila i dijelova iz zemalja Evropske unije i drugih visokorazvijenih zemalja kako bi se izbjeglo dvostruko plaćanje, te utvrditi kriterije, odgovornosti kao i garanciju u postupku homologacije u BiH.

Ocjenjeno je da je za bh poslovnu zajednicu neprihvatljiva provodivost navedog akata koji utiču ili će uticati na rad bosankohercegovačkih privrednih subjekata koji koriste usluge homologacija novih i polovnih vozila, uvoza i distribucije rezervnih dijelova i uređaja za putnička i komercijalna vozila, te ovim putem upućuju inicijativu prema nadžnom organu za izmjenu Pravilnika o homologaciji vozila, dijelova uređaja i opreme vozila (Sl.glasnik BiH br.:41/08).

Istovremeno, jedinstven stav komora je prolongiranje primjene svih odluka o homologaciji do usaglašavanja cijena, te izmjenu Cjenovnika u pravcu smanjenja propisanih iznosa, posebno imajući u vidu da u zemljama Evropske unije uvoznici nisu u obavezi da plaćaju certifikate jer su im proizvođači obezbjedili homologaciju za dijelove ili vozila. Cjenovnik usluga u postupku homologacije, na prijedlog Konzorcija, objavljen 2010.godine, kojim se utvrđuje visina i način plaćanja naknada, nije primjenjiv i apsolutno predstavlja opterećenja za privredne subjekte, obzirom da visina cijena dodatno guši i otežava njihovo poslovanje, te podstiče neregularnu trgovinu.

Komore zahtjevaju da se prilikom izmjena i dopuna novog pravilnika ministarstvo pridržava člana 7. Zakona o VTK/STK BiH: “Zakone i druge propise iz oblasti vanjskotrgovinske i carinske politike, transporta i finansija, sporazume, ugovore i druge dokumente o trgovini i investicijama koji se zaključuju sa drugim zemljama, nadležni organi BiH obavezno dostavljaju Komori radi pribavljanja mišljenja”.

Osnov za donošenje podzakonskog akta, u vezi sa homologacijom, se nalazi u članu 205.stav 3. Zakona o osnovama sigurnosti prometa na cestama u BiH, i kao takav treba da suštinski omogući bezbjednost saobraćaja u BiH, kao i potrebu dodatnog usklađivanja tj. Zakona o izmjenama i dopunama Zakona o osnovama sigurnosti saobraćaja na cestama u Bosni i Hercegovini (“Službeni glasnik BiH”, broj 48/10) u skladu sa Uredbom (EU) br. 168/2013 Evropskog parlamenta i Vijeća od 15. januara 2013. o homologaciji i nadzoru tržišta vozila na dva ili tri točka i četverotočkaša.

S poštovanjem,



Dostavljeno:

- Naslovu,
- PS BIH -DOM NARODA - Komisija za vanjsku i trgovinsku politiku, carine, saobraćaj i komunikacije-Veza uz akt br.02/2-50-8-23-44/18 od 11.09.2018.g.(Zaključci Komisije),
- VIJEĆE MINISTARA BIH,
- a/a.

